

SAOPŠTENJE ZA MEDIJE



SARAJEVO, 16.04.2009. – Svjetska banka je danas održala poludnevnu radionicu o finansiranju ugljika u cilju podizanja svijesti u vezi sa Protokolom iz Kjota, mehanizmom čistog razvoja (CDM), tehnologijama čiste proizvodnje energije te poticajima Svjetske banke za finansiranje smanjenja emisije ugljika.

Poticaji Svjetske banke za finansiranje smanjenja emisija ugljika su dio širih napora svjetskih razmjera u cilju borbe protiv klimatskih promjena. Mjere za ublažavanje i prilagođavanje klimatskim promjenama su neizbježne za zaštitu planete za nas i našu djecu, ali one ne moraju ići nauštrb razvoja. Obzirom da je prepoznala potrebu balansiranja mjera vezanih za klimatske promjene i razvojnih imperativa, Svjetska banka je razvila niz alata – mehanizama za finansiranje i analitičkih radova, uključujući uvođenje mjera za prilagođavanje i ublažavanje klimatskih promjena u aktivnosti Svjetske banke.

Globalni naponi na stabilizaciji koncentracije emisija stakleničkih plinova su počeli 1992. godine u sklopu Okvirne konvencije UN-a o klimatskim promjenama (UNFCCC). Protokol iz Kjota, koji je potpisan 1997. godine, a stupio na snagu 2005. godine, uspostavio je obaveze razvijenih zemalja za početni period do 2012. godine. Ovim protokolom su također stvorene mogućnosti za zemlje u razvoju i nerazvijene zemlje da investiraju u projekte koji bi pomogli da se smanji emisija ili poveća apsorpcija stakleničkih plinova, te da se ove globalne okolišne pogodnosti prodaju industrijaliziranim zemljama kako bi bile u stanju ispuniti standarde Protokola iz Kjota. Tržište dozvolama za emisiju ugljika poraslo je na 120 milijardi US\$ 2008. godine.

“Bosna i Hercegovina je ratificirala Protokol iz Kjota u julu 2007., te ima mogućnost dobijanja pogodnosti u vidu poticaja za finansiranje smanjenja ugljika. To znači da bi Bosna i Hercegovina mogla steći prihode kroz globalnu prodaju svog smanjenja i apsorpcije emisija ugljika, te istovremeno doprinijeti procesu održivog razvoja na državnom nivou. To je situacija u kojoj sve strane dobijaju.”, rekao je **Marco Mantovanelli**, šef Ureda Svjetske banke u Bosni i Hercegovini.

“Međutim, neophodno je poduzeti određene dodatne korake, kao što je uspostavljanje ovlaštene državne institucije i uspostavljanje domaćeg sistema procjene, registriranja i praćenja smanjenja emisije. Razvojnim programom Ujedinjenih nacija (UNDP) i Evropske komisije (EC) je pružana pomoć Bosni i Hercegovini u vezi s ovim, te se nadamo da će Bosna i Hercegovina uskoro poduzeti neophodne korake kako bi ispunila preostale uvjete i kako ne bi propustila mogućnost da dobije značajne finansijske povlastice”, dodao je **Mantovanelli**.

Svjetska banka je spremna pomoći Bosni i Hercegovini prilikom pripreme projekata koji bi bili podobni za ostvarivanje prihoda od smanjenja emisije stakleničkih plinova. Nadamo se da je ova radionica početak jednog konstruktivnog procesa određivanja i provedbe projekata vezanih za mehanizam čistog razvoja u Bosni i Hercegovini. Radionicu je pohađalo oko 30-ak učesnika iz odjela državnih institucija, kompanija iz javnog i privatnog sektora, te finansijskih institucija.

Više informacija o Svjetskoj banci u Bosni i Hercegovini je dostupno na: www.worldbank.ba